



أحلام البحر

شعر

نجاة خليل

تقديم
الشاعر/ أحمد زرزور



كتابات جديدة

رئيس مجلس الإدارة
أ.د. سمير سرحان

رئيس التحرير
د. سهر المصاغة
مدير التحرير
أحمد غريب
سكرتير التحرير

مدير على زكي
التصميم الأساسي للفلاف
الفنان/ سامي بخت

الإشراف الفني
مهرى عبد الواحد
تنفيذ كمبيوتر طباعى
إدارة الجمع التصويرى

مستشارو التحرير
د. أحمد مرسى
د. نهاد صليحة
د. مجدى توفيق
أ. عائشة أبو النور
د. مصطفى الطبع
أ. نعمات البحري
د. عزة هكل

كل هذا الصدق فى أحلام البحر

أحمد زرزور

هذه شاعرة من مصر حقاً! نعم تكتب بروح هذه الأرض
المشبعة، وكم فى تاريخ هذه الأرض من أحلام مبهضة، وكم
تختبئ بأعماقها أفراح مؤجلة. وهكذا فإن لحظات الفرح قصيرة
جداً كأنها استثناء وأما القاعدة الأساسية فهي الألم، لهذا فإن
الشاعرة.

«خايفة من نهار شمسى

وخايفة من سمار ليلى

وخايفة من بكا قلبى

لتفضحى مواويلى!

وعندما نصل إلى السطر الأخير من هذا المقطع يكون ألم
الشاعرة مضاعفاً: فهي تخاف مما لا يجب الخوف منه (بل على

العكس تماما» فالشمس المشرقة والليل المضاء بالسمر والسهر
وقلبها المفعم بالشجن والعشق، كل هذ المفردات من شأنها أن
تجلب البهجة والسعادة والحيوية والإثارة، غير أنها تجلب الخوف،
وكأن الشاعرة تستكثر على نفسها الفرح وكأنها لم تعد تصدق
الحياة التي لم تنل منها غير الخيبة والوهم، ثم كيف لا تتوقع غير
ذلك وهي التي لا تمتلك شجاعة البوح بمشاعرها ولا تمتلك
أيضا القدرة على تحمل مسئوليات هذا البوح، فهي محاصرة من
كل جانب: من الواقع / من الحبيب / من الذات. فالواقع لا يثبت
على حال مثل «المراجيح» وهكذا.

«على بلكونة الأيام

حبال داية تمررنا

تاخذنا لفوق

نعيش ونفوق

تنزلنا، مانزلشى

وترميننا، توقعنا، تجرحنا

وتلمحننا عيون شبايك ما ترحمشى»

والحبيب يضاعف من وحشة الشاعرة وغربتها بدلا من التوحد
والمشاركة، فتزداد متاهة الذات ومتاهة الحبيب وتجدد أن الشاعرة
نفسها فى خضم تجربة انشطار لا انصهار:

«مين أنا

واللا إنت مين؟

ما ترد واللا أحلف يمين

إنى أنسى يوم إنك أنا

وليه تخللى البال حزين

وأنا كنت ليك كل الهنا

مين أنا

واللا أنت مين؟

دور وشوف الرد فى

عندك هناك واللاهنا».

ولأن الشاعرة، بحكم انتمائها للكتابة الفطرية فى عفوية دفقتها
الشعورية، تحاول جاهدة ألا تستلم لهذا الحصار الثلاثى (الواقع/

الحبيب/ الذات) ولا يكون أمامها سوى أن تتلمس لحظات
الإنطلاق القليلة والمتاحة، فربما تعثر في هذه اللحظات عن فرصة
جديدة لاستعادة الفرح المؤجل، وهكذا تغنى لبحرها الذى تتوسم
فيه الأمان والسكينة، وللجنّة (وهى معادل للحلم) :-

«همومى جيت وداريتها

فى بحر التوهة حطيتها

جنّة طلعت وجابتها

قلت لها ليه تانى الأحزان؟

جنّة، لكن لمستها

جنّة فيها أنا حسيتها

حلفتها يعمر بيتها

تأخذها لجل أكون فى أمان».

نعم، فعندما تشتد وطأة الاحساس بالغرابة، والفقد، لا يكون
أماننا غير التشبث برحاب الحلم (الجنّة) والإرتواء فى أحضان
الصفاء الكونى بعيدا عن ضيق الواقع خارجياً وداخلياً.. وهكذا

تدأب الشاعرة على السعى وراء حقها فى الفرح، لكنها فى نفس الوقت لا تستطيع الهرب من حتمية الإنصياح لقدر لا مناص منه:

«لبس الأيام طوقى

لبس العمة لأمير

لف، دور زى السواقى

افرد الجناحات وطير

مهما تعلقى أو تحلق

برضة راجع للمصير»

إننا أمام غناء له همس الدموع وصخب البحث عن ضحكة
وبين هذين القوسين (الهمس والصخب، الدموع والضحكة)
تعرف نجاة خليل معزوفتها التى تلفحننا بصدقها وتلقائيتها، وهكذا
يفعل البحر: وهو يمتد وينحسر، يثور ويهدأ، يرغب ويزيد وهكذا
الشعر يفعل أيضا.

إهداء

إليك يا زمني الجميل

مهما تساقطت الأوراق

سأظل أحبك

نجاهة خليل

حلوة الحياة

سألوني عمرك كام سنة؟

قلت اللي عشته فى الهنا

عدوا الهنا أبقى أنا

وقولو لى عمرى كام سنة؟

إمشوا فى شوارع دنيتى

لو شفتوا فيها دمتى

أو شفتوا فيها فرحتى

سيبوا الدموع عدوا الهنا

أبقى أنا

وقولى عمرى كام سنة؟

كام شمعة قايذة فى سكتى

كام حزن حارب بسمتى

كام فرحة قالت لى إضحكى

حلوة الحياة

عدوا الشموع عدوا الهنا

أبقى أنا

وقولى لى عمرى كام سنة؟

وإدعوا لى أعيش عمرى فى هنا

أبقى أنا زى ما أنا

قلب خالى

عدى بيننا جسر عالى	لو وحشتك يوم يا غالى
كل أحلام الليالى	قول تعالى تبتسم لك
خد آمالى وكل مالى	قول تعالى وخذ حياتى
أحلى أحلامى وآمالى	ح أحيا بيك وح أعيش بحبك
لما كان القلب خالى	ما أنت عارف إيه جرى لى
لما قلبك قال تعالى	رق قلبى وابتسم لك
تلقي اسمك عاش فى حضنى	خذ لىالى العمر خدنى
كان صحيح العمر غالى	وأما فات الوقت خدنى

لما كان القلب خالى

عقد فل

اشترى لى عقد فل واطرح الورد فى خدودى
أو كفاية عليك أطل وف عينيك ألمح وجودى

شايفة فى عينيك كل حاجة حاجة حلوة وحاجة حاجة!!
وأحلى حاجة إنى دايماً عارفة جوة عينيك حدودى

شايفة حب العمر كله شايفة ترنيمه حياتى
شايفة ورد الكون وفله شايفة أحلى ذكرىاتى

خايفة شوفى يقل عندك خايفة شوفى يتوه فى أرضك
بس وحياتك فى عرضك قبل ما تنكر وجودى

ح ازرع الحنة فى أرضك
واطرح الورد فى خدودى

حب X حب

ليه بيقولوا الحب حرام؟ ليه الناس ما تجربهوش؟
يعنى أدوق الحب وأنام واللا أسهر ولا أقربلوش؟
ليه الناس ما بتجربهوش
قالوا الحب ده كله حلاوة قلت فى قلبى مرار وقساوة
قالوا حتلقى الشهد فى طعمه قلت لذىذ بس ما دقتوش
ليه الناس ما بتجربهوش
نفسى أحب فى مرة وأجرب نفسى ألاقى القلب إنكهرب
أبعد مرة ومرة أقرب واللى أحبه أنا ما أسيبوش
ليه الناس ما بتجربهوش
يا قمر ليلى يا شمس نهارى يا نجوم عيني أوعى تدارى
حبى تملى معشش دارى حب حقيقى ما ينكرهوش
ليه الناس ما بتجربهوش

سامحنى

سامحنى...

لو إن فى يوم حصل منى
حاجات مش قاصدة أعملها
ولو فيه شىء حصل منك
أنا مسامحك

سامحنى...

لو اتدارى ورا قلبى
وأقول قلبى زعل منك
وقلبك دافى مستنى
وأنا شايفاك

سامحنى...

وعذرى كل مرة هواك

وقلبى عمره ما بينساك

بشوق العمر بأستناك

سامحنى..

ويا لا نتصالح

سامحنى

وقول بقى مسامح

وأنا مسامحاك

بتوحشنى

وعهد الله بتوحشنى وأنا وبك

وعهد الله بشوف عينك أدوب فى هواك

وعاهدنى أكون وحدى فى أفكارك

وعاهدنى أكون سكنك وأكون دارك

وأكون برك وأكون نارك

ومقـدارك يزيد عندى وأنا وبك

وعهد الله بتوحشنى وأنا وبك

وعهد الله بحب أتخبى فى عيونك

وعهد الله لقيت لوني بقى لونك

21

بشويش على قلبي

بشويش على قلبي ما يتحملش
تقابلني في مرة ولا تسلم
بيشويش على روعي ما تتحملش
تفرح لو قلبي بيتألم
وبلاش النظرة الجراحة
وبلاش الضحكة بحنية
أهجرني لو تلقى الراحة
خليني في غربة لياليه

مقدرش أحوش نفسى أتكلم
مقدرش أحوش نفسى أتألم
مقدرش أحوش نفسى أشوفك
وعنيه تعدى ولا تسلم
محتارة ما لاقية لقلبي سبيل
هربانة بنفسي فى حضن الليل
بتونس بكلام المواويل
يشاغلنى خيالك يتكلم

بشوش على قلبى ليتألم
تسلم لى عنيك لو حتسلم

ورق

حطوا المشاعر ع الورق هو الورق بيـــــحس
ساعات يكون له حس أو حتى صوت خشخشة
لو ورقة متكرمشة ويملوه قراطيس
قرطاس ومليان حب مش قزقزة ولا لب

حتلاقي طعمه لذيذ
قرطاس فيه طعمية بقع كلامه الزيت
يا ريت ما كان انكتب وباريت ما كنت قربت
بردان بيـــــدني في كوم ورق واتحرق
من قبله مخه إتخرق نقط كلام فاضى
سكت الكلام ع الورق كان فيه تاريخ اتحرق
تعب في جمعة سنين كتاب كثير عايشين
كتاب كثير ماتوا ياريتنى أنا قبلهم
من قبل ما أشوف ناس بتحرق الكراسى

أم الخير

يا مصر يا أم الخير إديني سجادة
أرسم على فرشتك بالحب زوادة
أقعد على بابك ألم أحبابك
يهمس لنا ترابك
بكلمة وحكاية
نحكي معاه ونقول مهما الليالي تطول
ما هي مصر ولادة
وكل واد فيها حافظ حكاويها
ويقول غناويها

هى كده العادة

لو قال صلاح الدين ح يحكى عن حطين

قال العرب مش طين ولا وحل

دول سادة

وعن المعز كمان قالوا ده كان له زمان

عصر وأوان ياما كان

غنوا له بزيادة

جُم عند عصر جمال

قالوا: ده كله جمال

كل العرب إخوان

لا عبيد ولا سادة

لفوا كمان فى الكون

قالوا ده فيه مكنون

أرض الكنانة كنوز

بیرم علی محفوظ
وترات کمان محفوظ
علی کل أرض یفوز
وحضارة مجلیة
واضحة ومخفیة
یاریت یكون لیة
حظ وأقول وأقول
وأحکی كلام له أصول
أصل التاریخ موصول
ح نصول كده ونجول
آخر المحطة وصول

شخصية

ما لها رنين أو حس	شخصية بتهزها
حتى بصوت الدق	لوراح تنام ما تحس
ولا صوت هموسة تهش	لا صوت نموسة تهس
ح تنام وتشبع نوم	ما دام ما جاش ع الوش
تلقى الفطار والمش	وأما تقوم وتحس
حتروح تنام تاني	بدوود ما فيهمش غش
وقعدة ويا الصحاب	تخلم بأكلة كباب
وضحك ويا العشا	في جوفيه فرفشة
وتنام كمان هاني	تسهر لبعد العشاء
وتقول سيبنوني كده	شبعان ما بتعاني

ما تصحونيش تاني

خايقة

خايقة من نهار شمس
وخايقة من سمار ليلي
وخايقة من بكى قلبي
لتفضحني مواويلي
وخايقة من شروق بكرة
وخايقة م الغروب تاني
وخايقة التقى فكره
أجدد بيها أحزاني
أمانة يا بكرة لتجيني
تجدد فرحي وسنيني
أبوس أيدك تهنيني
وما تزودش أحزاني

أحلام البحر

بللت بالفرح هدومي	غسلت في البحر همومي
وقلت أهرب من يومي	وأجري وأفرح بالأحلام
طول عمر وأنا مستنّية	لحظة محبة وحنّية
ونجوم تضوى في لياليه	وقمر ينور لي الأيام
الموجة جت وقالت ليه	حلّى الضفاير يا صبية
خليكى في البحر قوية	وحاسبي دايمًا م الأوهام
لعبت وحدى مع الموجة	فرحانة باهرب م الهوجة
وابن بلدى ما هوش خوجة	خطفنى رمشة في لحظة قوام
حبيته دقت هواه سكر	ودبت فيه أكثر وأكثر
خدنى في هواه نحكى ونسهر	سكر وداب زى الأحلام

ورجعت وحدى مع الأيام

افتكرنى

افتكرنى بلحظة حلوة إوعى تحمل يوم أسية
وافتكر إن أنت ليّه واللى بيننا مش شوية
حتى وأنت فى يوم بايعنى خفت على قلبى الأسية
قلت لما نقولها هيه

قلت لها لك بايعة لكن كان هواك فى القلب ساكن
والشفافىف راسمه بسمة والعذاب جوايا راكن
قلت لها لك وإنتم عمرى كنت أخبى عليك عنية
لاجل ما تشوفش اللى بيّه

لو فى يوم اشتقت ليّه أو فى يوم فكرت فسيّه
افتكر نظرة عينيّه افتكر لمسّه إيديّه
افتكر رعشة شفافيفى لما قلت أنا بايعة لكن
الدموع فتنت عليّه

شجرة الحب اللي شافت حبنا حزنّت عليه
إنثنت الجذع مالت تمسح الدمع في عينيه
لما مست قلبي قالت والله جرحك مش شوية

مدى إيدك وإسنديني .

ننسى أيام الأسية

صورة حبيبي

ح أرسم حبيبي في العيون
بألف شكل وألف لون
ح تقولوا يبقى ده جنون
لأمش كـ _____
هو كـ _____ لازم يكون
مالهش طعم مالهش لون
قاسي قوي وساعات حنون
لو شاف خياله جوه أرضه يزرعه
ويقول له كن لازم يكون
أو مرضله جنب منه يرجعه
ويقول له مش ناقص جنون

ساعات يفكر فى اللى راح
وساعات يقسم ع الجراح
وساعات يطير والكون براح
ويقول أنا بالشكل ده لازم أكون
ح أرسم له صورة أبدله وأغيره
من غير جنون
ح يكون حنون
يا ريت يكون

شخايط

شخايط مرسومة جوابا
بترسم ضعف وأسايا
ولما القلب بيــــــــــــغنى
يبان الحزن فى غنايا
امحى بحبرك كل حروف
وامحى معاها ضعفى وخوفى
وارسم قلب وفيه حرفين
واكتب بالحنة على كفوفى
سمينى أسامى الحب
وافتح لى حروف القلب
ح تشوف اسمك جواها

من يوم القلب ما حب
بتلخبط كلى فى كلك
زينت ورودى بفلك
خليت القلب يغنى
واسمع دقاته تقولك
وأنا عنمر ما قلبى اتلخبط
ولا خاف ولا حرف اتلخبط
لكن حبك يا حياى
خلى حروفى بتتنطط
قلت أجرى أهرب من حبك
شبكت حروفى فى قلبك
بخيوط حبك شدتنى
مكتوب لى هواك وفين أهرب

قمرايه

فى ليل وبحر وقمرايه والقعدة ويا السهراية
ومروج يداعب العشاق ونجم قايد للمشتاق
وضحكة على خد صبايا
الحلو فـارـش منديله والليل تجـومـه قناديله
جت الحبيبة تناديله غنى لها أجمل مواديله
عاشت معاه أحلى حكاية
عملها فـنـجان الشاى وغنى ليها كلام ع الناي
وحلف لها لو تبقى معاى ح أعيش معاكى عمرى الجاى
والناس ح تحكى على هنايا
قالو لى حبى قلت ياريت خلاص أنا دبت وحبيت
وقالوا عنى كثير حواديت وشافوا فرحى وهنايا
ولسه فرحى ويايا

شق البحر

مالك قاعد كده مهموم	شق البحر وادف عوم
ما يهمكش من التيار	طريقك كده مرسوم
خلص يللا بقى الفنجان	وارمى بياضك برضة كمان
وحقولك إيه جاي أو كان	بس ح ترضى بالمقسوم
قلبك باين فيه أحزان	حوالك شايقة وشوش غربان
بتنقر فى الفرع إن بان	مانعينك تنهض وتقسم
قدامك بستان مفتوح	جواه زهرة هناك بتلوح
بتقولك يا حبيب الروح	كافح واتعب وبلاش نوم

شق البحر وادف عوم
مش رح تعرف تانى هموم

موال

مـجـروح يا قلبى بين الضلوع
مـوجـوع أنا من غير ما أئن
مـقـطوع آمالى لكن باحن
أكـتب كلامى بألف سن
سـنـيت قلم حس بالألم
جـرب وشاف منى الألم
كـتب القلم حس الكلام
فـرط حـروفه م الآلام
عـائب ولام وشوية قام
هـزه الكلام صرخ ولم
حـروفى منى كـتبها دم
سـاعتها جرح القلب لم

أجمل مصير

عيش حياتك زى ما إنت
تنام وتعلم فى الســــرير
حب وإضحك عيش وكر
لبس الأيام حــــرير
مهما تضحك أو تكرر

مش ح تضحك ع المصير

لبس الأيام طواقى
لبس العملة لأمير
لف دور زى الســــواقى
إفرد الجناحات وطير
مهما تعالى أو تخلق

برضه راجع للمصير

إلحق الشمس لتفرب

بوس هوى القمر الكبير

هنى نفسك لو تجرب

تلقى دنيا أجمل كثير

من حلاوة الوهم أهرب

يحضنك أجمل مصير

مراجيح

على بلكونة الأيام

حبال داية تمرجحنا

تأخذنا لفوق

نعيش ونفوق

تنزلنا ما ننزلش

وترمينا توقعنا تجرحنا

وتلمحنا عيون شبايك ما ترحمشی

نقوم نمشی

تمد الأيد تأخذني بعيد

ما نرجعشى
نروح ما نجيش
هناك ح نعيش
تمرجنا السكك دراويش
تهنينا وما تهنيش
ولو حتى القمر ما يجيش
تعيش إنت وبرضة أعيش
نعيش أحسن
ما نبقى ما فيش

دارى الحب

إوعى يبان الحب عليك	دارى الحب حتى عليه
أصلى بخاف من حبي عليك	عمر الحب ما كان بإيديه
ما تقوليش أنا ليكى حبيب	قلبي ما فيهش خلاص حنية
ما تقوليش الحب نصيب	عمر الحب ما كان مقاسية
دارى الحب فى ننى عنيك	نور حبك ما يهونش عليه
وامسح دمعى بطرف إيديك	وامسح صورتك من ليالية
حب وعيش افرح بحياتك	ولا تقساش بالحب عليه
حب الدنيا عيش أوقاتك	ما تفكرش أبداً فيه
خضر عمرك حنى إيديك	ما يهمكش دموع فى عينيه
لو يتطمن قلبي عليك	يرتاح عمرى تهون لياليه

دارى الحب فى ننى عيينيك

دارى عيونك حتى عليه

وحدى والقمر

والليل صديقي	سهرانة وحدى والقمر
ما بلعت ريقى	ويا السواقى العطشانين
والصبار رفيقى	وسط الأراضى الواسعة
خضر طريقي	إفرد جناحك يا مطر
	إملا الشوارع تمر حنة
	وخللى أرض العمر جنة
	خللى القمر لما ييجى لنا
وينور طريقي	يفرد ضيائه بالحب
	أرمى كل الحبر على بحر السكات
	خللى لون الصبر يمحي الذكريات
	والأمل والحب جوة العين ييات

ده العمر لما يمر قطر الذكريات
بيدوس غناوى الحب
خللى السواقى تدور وتروى أرضنا
خللى الصبايا الحور تغنى لفرحنا
خللى شعاع الشمس يلضم حبا
غنوة بميعة حب
صحى الأمانى النائمة
فى عروق حبنا
على الأغاني الساكنة
فى دروب قلبنا
تصحى الورود وتضمنا
نسهر نغنى للقمر
تبقي الآه حرقى
نقطة تبل ريقى
وانت رحيل ريقى

مين أنا؟

مين أنا؟

واللا إنت مين؟

ما ترد واللا أحلف يمين

إني أنسى يوم إنك أنا

مين أنا؟

واللا إنت مين؟

وليه تخللى البال حزين

وأنا كنت ليك كل الهنا؟

مين أنا؟

واللا إنت مين؟
دور وشوف الرد فين؟
عندك هناك واللا هنا؟
فك الحصار عن قلبي
وإعلن فرحته
وإن جه في بالي الخوف
بإيدك موته
وإن صوت أنيني حيتعبك
راح أسكته
وعيش إنت بس للهنا
وإنسى ف يوم إنك أنا
أو كنت أنا
ونسيت خلاص إنك أنا

عدى الزمان

قالوا ع الزمان إنه معلم

عدى عليه ما علمنيش

وليه تمللى إنت تعلم

وتعيش فى قلبى وما تفوتنيش

خليك خفيف عدى وسلم

وسيبنى وحدى يمكن أعيش

لو قلت حتعيش وتعلم

علمنى أحبك قول لى إزاي

ولو بجد بتتكلم

علمنى أَعِشْ العَمرَ الجَای
واللا بلاش ما تعلمش
سینى لوحدى ما تتعینش
عدى الزمان ولا علمنى
وانت کمان ما تعلمنیش
خلینى أقول عن أحلامى
اسمع ولا تتکلمش
وان شفتنى فى عز آلامى
إبعد ولا تتألمش
وان قلت لك إرجع تانى
إوعاك تصدق
روح ما نجیش
عدى الزمان ولا علمنى
وانت کمان ما تعذبنیش

إرمى الهموم

ارمى الهموم خللى الغيوم
تبعد قوام عن دربنا
ولنزرع كمان خيرك يدوم
وتقـاوى حب فى أرضنا
ده الهم مهمما ننام نقوم
لو عاش ح يقطع ظهـرنا
خللى الأمل لما يعـوم
يرسى تمللى فى شطنا
نسهر ننام ننسى الهموم
ونقـوم ونروى أرضنا
يكبرر لنا الزرع فى يوم

نحصد غناوی فرحنا
ارمی بعید کل الهموم
قبل الهموم ما تلمنا

یوم رجوعی

عودونی اَقید شموعی

عودونی اَحوش دموعی

عودونی اَسلی یومهم

عودونی اَزیح همومهم

وا حس الهم فی ضلوعی

عودونی اَقول اَمانی

عودونی اَقول اَغانی

عودونی اَداری همی

عودونی اَعیش لغمی

ما اَلقی حد یقید شموعی

لیه یا دنیا محیرانی

والهموم طارحة الغيطان
والأمانى مزوقةانى
والقلوب ناقصة الأمان
والأسى مزود دموعى
ميت سؤال واحترت فيه
آخـرتك يا دنيا إيه
قلبي شارب كاس مرارك
والأسى كحل عنيـة
والعذاب من يوم سـموعى
لو تقولى أسـيب مكانى
أو تقولى أسـيب زمانى
ح أرضى وأهرب بالأمانى
وإن نادانى الفـرح تانى
مش راح أطلب يوم رجـموعى

بحر أمان

همومى جيت وداريتها	فى بحر التوهة حطيتها
جنية طلعت وجابتها	قلت لها ليه تانى الأحران
جنية لكن لمستها	حنية فيها أنا حسيتها
حلفتها يعمر بيتها	تاخذها لاجل أكون فى أمان
هربانة م الناس والخضرة	ع الحزن تانى أنا مش قادرة
رحت أحكى للبحر بحسرة	لقيته كان مليان أحران
دموعى جامدة باخبيها	صخور وموج يخبط فيها
فى نيل فى بحر راح أرميها	وقبل ما أرمى أنا شفت لسان
لسان ييفرق بين حاجتين	مالح وحلو مالوش وشين
أبيض وأسود بين حرفين	ده (ح) ده (ب) لكن تعبنا
خدنى يا موج البحر معاك	وسيبنى ما تجيبنيش وياك

وإن حد سألِكَ وإِترجاك قول له رميتها في بحر أمان

مكان ميعرفش الأحزان

ولا يهـمك

فى وسط الموج سنايل	قمح غرقانة ما بتقومشى
فى وسط الموج غناوى	الفرح نعسانة ما بتقومشى
وأنا باسهر ولا أندمشى	على العمر اللي راح ولا جاش
شمنوع العمر متقادة	ما تحسبش اللي راح منك
وفيه أغنية متعادة	حزينة بتحكى عن همك
وعواد جى يغنيها	يضحكها تشيل عنك
هموم الدنيا وتقول لك	ده مهما كان ولا يهـمك
ولا يهـمك شروق ضاحك	ولا يهـمك غروب شاحب
ولا يهـمك ما فيش صاحب	يشـيـل عنك
ولا يهـمك نجوم	يشـيـل همك تأفل على شـوفك

ولا يهـمك ظلام ما يخافش من خوفك
ولا يهـمك قـمـر يمشى ولا يشـوفك

بتزعل ليه

بتضحك ليه

ولا يهـمك

دقة زار

تمسبت من كثر الأفكار
هاتوا الى طيلة ودقة زار
دقوا الدفوف ومعاها التار
خلونا نرقص لوعلى نار
خلونى اطلع عففاريتى
واسمع الضحكة فى بيتى
واقعد واحكى حواديتى
نضحك ولا نشبعش هزار
دقوا الطبول غنوا معايا
شاركونى فرحى وهنايا
نسونى وانسوا ويايا
أى كلام جوة الأفكار

دى اللمة حلوة يا ناس بصحيح
والضحك مش محتاج تصریح
إضحك تمللى وابقى صريح
وأرقص ولو على باب الدار
وادخل واقفل باب دارك
ما يقل أبدا مقـدارك
يحميك كمان من عین جارك
تفضل سعيـد طوال المشوار

عروسة المولد

عروسة حلوة وتاكل
ماشية بخفة بتتعاجب
مزوقة العين والحاجب
ولابسة فستان بالكرانيش
قالت: هاتوا لى عريس رايق
يكون حليوة ومتعايق
ما يكونش راجل متضايق
وبس ما تجيبوليش درويش
الكل فرحان بالمولد.
عروسة وحلاوة مولد
بصوا لها قالت وما هو مولد

عروسة بس عريسها مافيش
عروسة لمت مراوحها
ماشية وسايبة مطارحها
عريس جرىء جه يقاوحها
بعده أنا كلى ليكى ما تكسفيش
قامت كانت ناوية تسيبه
شخشخ لها باللى فى جيبه
قالت: ده شىء مش ح يعيبه
وافقت وقالت: يمكن أعيش
خدها وقصقص ضوافرها
وهد فورمة كوافيرها
والمية نزلت على ديلها
سكر حلاوة وطعم مافيش
قعد يدور على عيبه
وينعى حظه ونصيبه
صرف عليها اللى فى جيبه
والباقي وزعهم بقشيش

قال: إعدروني مانيش عايز
أكون عريس ولا أكون فايز
ولا أكون حليوة لكن جايـز
أتمنى أبقى في يوم درويش

أجراس القلب

ما تسمعنيش أنفاسك	ما تدقش أجراس قلبك
ماتدوقنيش من كاسك	ما تشرينيش من حبك
ولا تعزف على أوتاري	ما تدقش على باب قلبي
أو إيه في القلب مداري	أو تعرف مقدار حبي
ويتنقش همس كلامي	بتدق حروفي في اسمك
وتغير ليه أحلامي	وتنور ليلي برسسمك
ولا حالي إزاي في غيابك	ما بقيتش أتصور بعدك
لو سمعت دقت بابك	ولا أخبي الرعشة في قلبي
ما تسمعنيش أنفاسك	خلينا بعيد م الأول
يكفيني أعيش إحساسك	ما تدقش أجراس قلبك

آخر سطر

كل ساعات العمر بتكتب
كلمة كبيرة في آخر سطر
تكتب سطر وتسبب سطر
ترسم فيه العمر بيجري
وماهوش لابس غير الستر
تعب الستر وهز كتافه
كان فرحان على قد لحافه
دلوقت لو عدى وشافه
رجليه بتسبق حتى القطر
يكتب سطر ويسبب سطر
يرسم فيه غنيوة وقطر
يمشي محطة وينسى محطة
دايما ماشى وشايل شنطة

وأما يهدى القطر فى طنطا
ينزل بدرى يوفى الندر
كتبه بإيده فى ليلة قدر
وأما القدر إفتكره وجاله
ساب القدر وشد رحاله
قال القطر ميعاد ترحاله
أنا مش ناوى أفوت القطر
إكتب سطر أو سيب سطر
آخر كرسى وآخر قطر
خللى حروف العمر غناوى
خللى الحبر نايات الصبر
ضم الكسر وشد وداوى
وامسح كل هموم العصر
طول فى الموال أو قصر
إوعى اللحن فى يوم يتكسر
ولا تندم ولا تتحسر
أو تتكعبل يوم فى الخط
شرطة كبيرة فى آخر سطر
فئات القطر

دمعة كسوف

دمعة كسوف ع الخد

مش قادرة أوفى الدين

مش راح يكفى حمد

أو صوم سنة واثنين

مش راح يكفى أصوم

ولخشع على بابك

مش راح يكفى أقول

تسابيح بأعتابك

سامحنى يارب واغفر

وأنت رب غفور
وأكتب لى أمحى ذنوبى
بيبتك المعمور
ساعدنى أقدر أوفى
لو جزء من نعمتك
دين فى رقتى كبير
طمعانة أنول رحمتك
عبدة وواقفة ببابك
باتمنى لحظة رضا
دمعة كسوف ع الخد
وإيديه فوق فى الفضاء
واقفة فى رهبة وخوف
لأجلك أصلى الفرض
دمعة كسوف وكسوف

مسحت معايا الأرض
دمعة كسوف على طول
مش لحظة وتعدي
يكفيني صحة وستر
والحال على قدي
يكفيني لحظة رضا
وأمشي في طريق الهدى
والدمعة بعد الجمود
سالت على خدي
واقفة وباستني
وأدعي في كل صلاة
قويني أمد الخطي
لطريق وكله نجاح
دمعة كسوف وكسوف
إقبلها يا الله.

طبول النصر

دقة مدفع فى الضهرية
ومعها ضربة جوية
صواريخ ما بتعرف حنية
إنجمموا يوم ياخذوا التار
جند ورجاله وأبطال
وقلوب تتأقل بالمال
واقفين على شطك يا قنال
قالوا حتفضل مصر عمار
إعلى بصوت الحق يا خال
وإدن للممركة يا بلال
قول للعالم ده مش ثار

دى قلوبنا ما تقبلش العار
دقى طبول النصر يا خاله
أولادك رجعم رجـالـه
زفـوهم يالله يا خـيـالـه
زفـوهم ولحد الدار

بالعامية

ح أنكلم كدهبالمامييه
وأنا عمري ما كنت مغممية
حتى إن غموني وعموني
دي عراقنا يا عالم عربية
حرمة بيتها حرمة بيتنا
سيادتها دي من سيادتنا
لو أجبنني يدهس حرمتنا
راح نرفض لو فوق رقبتنا
بيقة—ولوا اسلحة نووية
ما عدوك شاييل نووية
فتش بيته قبل بيوتنا

واللا إنا خيبتنا قوية
باتكلم أنا بالعامة
وجذرى كلها عربية
قولوا بصوت الحق العربي
سيادتنا حرة أبية

طفل الحجارة

طفل الحجارة اللي إتولد
ع القهر والظلم اتفطم
على إيد نايات الصبر شب
على صوت وطلقات البارود
طفل الحجارة اللي إتولد
على صوت نحيب على لون دما
والراية سودة معتمة
والدمعة سايلة على الخدود
على خوف معشش فى
الطنيان
على موت معلم ع الحطان

حالف ما يبقى صوت جبان

قادر يعدى بخطوته وفى يوم يعود
الإرض حرة والحدود

ويقدم المهر لصبية

حاحرق جدار الدار
وأبنى بداله فنار
من غير حطب ولا نار
حقيقيد

بتـجـویدی

واجمع خطوط عمري
واجمع خيوط قمري
وان كان أنا بأمرى
أزرع

أناشـيـدی

تطلع في ألف نهار
تعلی في كل جدار
نوار ولاد نوار
بحراوی وصعیدی

بوسنی و شیشانی
وکوسوفا بتعانی
العیب ده فی لسانی

راح تقطعه ایدی

من غير كسوف

من غير كسوف بنقول

اللى إختشوا ماتوا

نمشى فى طريق مجهول

خالع خلجاته

واللى افتكر أو قال

فاتحة لأمواته

بنقول ده دمه ثقيل

ح يخف بسكاته

لأموه فى طريق مهجور

أو بير يكون مهجور

أو بير يكون مسحور
أو كفتوه وإدفتوه
على ملة إخوانه
وإن رحتوا يوم سكتة
ج تحكوا وتنكتوا
على إيه بتتكتوا
ع الحى فى مماته
حسرة على اللى راح
كان واد صحيح فلاح
جدع وشهم وأصيل
ما يرضيش يضيع ويميل
ولا يرضى يوم يتفضح
يخلع خلجاته
ساب الطريق واختشى
واللى اختشوا ماتوا

أنوار الكون

فى السما أنوار

والكون أنوار

والنور قايد جوالين الدار

أصل أنا لبيت

طففت وحجيت

ورجعت لكم

والقلب عمار

قلبى اتطمئن ما بقاش يحتر

ما بقتش أدوق فى الحلق مرار

بأغنى باسمك ليل ونهار

قوينى ولآخر المشوار

كنت اسمع صوت

والدنيا يكوت

بيقول لى ده فيه

فى الكون ملكوت

فيه زينة وفرح

وجنة ونار

اخترتك أنا من غير ما احتار

من يومها لقيت القلب عمار

ما بقيتش أدوق فى الحلق مرار

باتغنى بأسمك ليل ونهار

قوينى ولآخر المشوار

كنت أشكى لك

بان لى ديلك
قلت آجى لك
خدنى جميلك
وفرش لى طريقى بالأنوار
على طول لبیت
طففت وحجبت
وررجعت لكم والقلب عمار
قلبی اتطمئن ما بقاش يحتار
ما بقيتش أدوق فى الحلق مرار
باتغنى باسمك لیل ونهار
قوينی ولآخر المشوار.

الفهرس

٣	تقديم للشاعر أحمد زرزور.....
١١	إهداء.....
١٣	حلمة الحياة.....
١٥	قلب خالي.....
١٦	عقد قل.....
١٧	حب X حب.....
١٨	سامحنى.....
٢٠	بتوحشنى.....
٢٢	بشويش على قلبى.....
٢٤	ورق.....
٢٥	أم الخير.....
٢٨	شخصية.....

٢٩	خايقة
٣٠	أحلام البحر
٣١	أفتكرنى
٣٣	صورة حبيبى
٣٥	شخابيط
٣٧	قمرابه
٣٨	شق البحر
٣٩	موال
٤٠	أجمل مصير
٤٢	مراجيح
٤٤	دارى الحب
٤٥	وحدى والقمر
٤٧	مين أنا؟
٤٩	عدى الزمان
٥١	إرمى الهموم
٥٣	يوم رجوعى
٥٥	بحر أمان
٥٧	ولا يهملك
٥٩	دقة زار
٦١	عروسة المولاد
٦٤	أجراس القلب
٦٥	آخر سطر

٦٧دمعه كسوف
٧٠طبول النصر
٧٢بالعامية
٧٤طفل الحجارة
٧٦فئار
٧٩من غير كسوف
٨١أنوار الكون

مطابع الهيئة المصرية العامة للكتاب

رقم الإيداع بدار الكتب ٢٠٠١/١٦٦٤٦

I.S.B.N 977 - 01 - 7595 - 1